

Maiya Mori Main Nahin Makhan Khayo lyrics मैया मोरी मैं नहिं माखन खायो लिरिक्स

मैं नही माखन खायो
मैया मोरी, मैं नही माखन खायो ॥

भोर भये गयैन के पाछे,
मधुवन मोहि पठायो ।
चार पहर वंशीवट भट भटक्यो,
सांझ परे घर आयो ॥
मैया मोरी मैं कब माखन खायो ॥

मैं बालक बहियन को छोटी,
छींको केहि विधि पायो,
ग्वाल-बाल सब बैर परे हैं,
बरबस मुख लपटायो..
मैया मोरी मैं नही माखन खायो ॥

तू जननी मन की अति भोरी,
इनके कहे पतियायो,
यह ले अपनी लकुटि कमरिया,
बहुतहि नाच नचायो
मैया मोरी मैं नही माखन खायो ॥

जिया तेरे कछु भेद परायो है
जानि परायो जायो मईया
जानि परायो जायो...
ओ मईया मोरी मैं नही माखन खायो ॥

“सूरदास” तब विहँसी यशोदा,
लै उर-कंठ लगायो..
मैया मोरी मैं नही माखन खायो ॥